

REZIMEI PODRŽANIH PROJEKATA

kroz Javni poziv Dobrovoljni Fond Mensur i Jasna Alić

objavljen 9. oktobra 2023. godine (Br.protokola: KP-I-475/23; Broj poziva: 12-FMJA-1/23)

Aplikant: NG Lokalna grupa za razvoj Gornja Tuzla

Naziv projekta: To smo mi aktivni i sposobni

Odobreno sredstava: 1.400,00 KM

LGZR Gornja Tuzla postoji i radi više od 10 godina, te okuplja predstavnike svih udruženja, institucija, neformalnih grupa i lokalnih privrednika sa područja Gornje Tuzle. LGZR Gornja Tuzla je realizovala niz projekata iz oblasti infrastrukture, ekologije i zaštite životne sredine, smanjenja energetske siromaštva, kulture, sporta i sl. Projektom pod nazivom "To smo mi aktivni i sposobni" LGZR želi motivisati i ostale građane da se uključe u realizaciju projekata koji će doprinijeti poboljšanje uslova u zajednici. Partneri na projektu su Grad Tuzla, Mjesna zajednica Gornja Tuzla, JU Centar za kulturu Tuzla(Društveni dom) i druge organizacije i sekcije sa područja Gornje Tuzle. Cilj projekta je motivisati volontere i aktiviste organizacijom niza aktivnosti tokom kojih će se predstaviti uspješni rezultati rada Lokalne grupe za razvoj i svih sekcija, te grupa koje djeluju u sklopu Društvenog doma u Gornjoj Tuzli. Projektne aktivnosti će uključiti organizaciju četiri radionice krojenja i šivenja stolnjaka za Društveni dom. Pored toga planirana je izrada banera, te priprema pisanih tragova i fotografija o postignutim rezultatima LGZR koji će biti predstavljeni na zajedničkom druženju. Lovačka sekcija će pripremiti potrebne namirnice za lovački gulaš za sve učesnike druženja. Obzirom da se u Domu svakog mjeseca održavaju aktivnosti, kroz projekat je neophodno nabaviti i veš mašinu radi pranja stolnjaka koji se koriste tokom realizacije aktivnosti.

Aplikant: Udruženje dijabetičara Plavi krug Tuzla

Naziv projekta: Mijenjam navike - biram zdravlje

Odobreno sredstava: 2.700,00 KM

Udruženje dijabetičara Plavi krug ovim projektom žele praktično pokazati dijabetičarima koliki pozitivan učinak ima vježbanje i kretanje u prirodi a sve u cilju poboljšanja zdravstvene zaštite dijabetičara u gradu Tuzla. Učesnici će na početku biti teoretski upoznati od stručnog lica, diplomiranog trenera kako pravilno hodati, disati i kad trebaju praviti pauze za odmor. Težinu opterećenja procijenit će trener za svakoga pojedinačno s obzirom da većina dijabetičara uz dijabetes imaju i pridružene druge hronične bolesti. Prije početka vježbi odnosno organizovanog zajedničkog kretanja u prirodi, svi će izmjeriti šećer u krvi i upisati u kontrolni list. Po završetku aktivnosti ponovo mjerenje šećera i analiza. Da bi mogli mjeriti i pratiti rezultate fizičke aktivnosti za dijabetičare, neophodne su im trakice za mjerenje šećera u krvi dok će udruženje obezbjediti aparatiće za mjerenje. Udruženje će pripremiti i brošure koje će sadržavati informacije o prehrani, fizičkoj aktivnosti i mnogo drugih korisnih informacija. Realizacija projekta odvijat će se u tri radionice shodno vremenskim prilikama.

Aplikant: NG Inicijativna grupa aktivno starenje B.Malta

Naziv projekta: Obilježavanje 10. godina IGAS Brcanska Malta



Odobreno sredstava: 1.000,00 KM

Dana 2. 12. 2023. godine obilježava se 10 godina rada IG AS Brčanska Malta, te se ovom prigodom želi urediti prostor i organizirati i kulturno umjetnički program te organizirati svečana zakuska sa mnogobrojnim gostima. Priprema glavnog događaja podrazumijeva niz aktivnosti, uključivanje djece iz OŠ "Brčanska Malta" u obilježavanje godišnjice, pripremu jela ali i izradu stolnjaka koji će služiti za sve buduće prilike i svečane događaje.

Aplikant: NG Lokalna grupa za razvoj Lipnica

Naziv projekta: Lipnički susreti generacija

Odobreno sredstava: 2.529,30 KM

LGZR Lipnica sa projektom pod nazivom "Lipnički susreti generacija" želi okupiti mještane svih generacija kako bi kroz organiziranje raznih radionica i događaja mještane povezali i učinili da se osjećaju bolje u svojoj zajednici, da shvate da imaju mjesto gdje mogu iznijeti i riješiti svoje probleme koje imaju u zajednici, a tiču se infrastrukture, vode i sl, te zabaviti se kroz učešće u radionicama i kulturnim događajima. Projektom se žele promovirati i vrijednosti zdrave porodice i zajednice, te dobrih komšijskih odnosa, kao i brigu o svim generacijama u zajednici kako bi došlo do poboljšanja kvalitete življenja u lokalnoj zajednici. U aktivnostima bi učestvovali i Centar za kulturu Grada Tuzla, Neformalna grupa žena i KUD Pejo Marković. Građani Mjesne zajednice Lipnica, svih dobnih skupina, imaju priliku da prisustvuju sljedećim projektnim aktivnostima: Radionice za najmlađe (rad sa logopedom, kino i kreativne radionice), radionice za školsku djecu(večer društvenih igara, zaboravljene igre iz prošlosti te kino), aktivnosti za tinejdžere(kino, večer društvenih igara), radionice za žene(edukativne i kreativne radionice izrade različitih predmeta), te aktivnosti za penzionere(večer šaha i čajanka).

Aplikant: Udruženje za uzajamnu pomoć u duševnoj nevolji Tk „Feniks“ Tuzla

Naziv projekta: Destigmatizacija službi za zaštitu mentalnog zdravlja uređenjem vlastite životne sredine

Odobreno sredstava: 1.650,00 KM

Udruženje Feniks osnovano je 2000. godine s ciljem povećanja kvaliteta života osoba koje su označene kao "duševni bolesnici". Feniks je danas predvodnik aktivnosti u regiji bivše Jugoslavije pa i jugoistočne Evrope kada su korisnička udruženja u pitanju. Cilj projekta je kroz održavanje edukacija doprinijeti većim nivoima mentalnog i tjelesnog zdravlja kod mladih kroz aktivnosti informiranja o poboljšanju kvalitete života preko unapređivanja odnosa prema životnoj sredini i stvaranju veće suradnje između javnih obrazovnih institucija i različitih usluga mentalnog zdravlja. Pored toga kroz projekat se planira urediti i dio zelene površine u krugu Klinike za psihijatriju. Mladi studenti Edukacijsko rehabilitacijskog fakulteta koji se prijave za učešće na projektu će imati priliku da prisustvuju setu edukacija o uslugama za unaprijeđenje mentalnog zdravlja a potom i direktno uključivanje mladih u aktivnosti uređenja zelene površine u krugu Klinike za psihijatriju.

Aplikant: Udruženje mladih žena GirlTHing

Naziv projekta: Girls in ICT day 2024

Odobreno sredstava: 3.290,00 KM

Udruženje mladih žena "GirlTHing" je zvanično registrovano 2020 godine. Misija Udruženja je da GirlTHing pruža prilike za razvoj mladim djevojkama i ženama kroz edukacije i projekte koji povećavaju njihovo samopouzdanje i nadahnjuju ih da svoju karijeru ostvare u IT sektoru. Nedostatak ženskih uzora i mentorske



podrške može značajno ograničiti djevojke za motivaciju i razvoj u ovoj oblasti. Kroz realizaciju aktivnosti i obilježavanje Girls in ICT day-Girl power sajma kao i ICT Divas Mixer stvorit će se prilika da se djevojke povežu sa iskusnim ženama iz IKT sektora koje će im pružiti podršku, inspiraciju i motivaciju za razvoj karijere u IKT-u.

Aplikant: Javna ustanova za predškolski odgoj i obrazovanje „Naše dijete“ Tuzla

Naziv projekta: Godišnji koncert stvaralaštva odgajatelja i djece JU „Naše dijete“ Tuzla

Odobreno sredstava: 2.910,00 KM

Javna ustanova za predškolski odgoj i obrazovanje „Naše dijete“ Tuzla se bavi predškolskim odgojem i obrazovanjem djece u periodu od 6 mjeseci do polaska u školu. Projekat pod nazivom "Godišnji koncert stvaralaštva odgajatelja i djece u JU Naše dijeteTuzla" realizirao bi se uz podršku Grada Tuzla i lokalnih rtv servisa. Međutim, zbog nedostatka muzičkih instrumenata organizacija ovakvih događaja predstavlja veliki izazov za osobe koje se brinu o razvoju djece u ovoj predškolskoj ustanovi. Kako bi JU Naše dijete unaprijedilo svoj rad sa djecom i pružio djeci novo iskustvo, kroz projekat se želi izvršiti nabavka muzičkih instrumenata i muzičke opreme koji bi služili i u budućnosti za organiziranje kulturno zabavnih sadržaja i manifestacija koji se tokom godine kontinuirano dešavaju u obdaništima Naše dijete a djeci pružiti mogućnost da uče i pripremaju se za javne nastupe uz nove instrumente.

Aplikant: UG Mladi za Sport

Naziv projekta: FIBA 3x3 basket

Odobreno sredstava: 3.500,00 KM

Udruženje Mladi za Sport je mlado , tek osnovano Udruženje koje čine mlade košarkaške sudije, te bivši i akvtni košarkaši i sportisti iz Tuzle. Osnovi cilj zbog kojeg se ovo udruženje osnovalo je promocija i popularizacija košarke i sporta u našem gradu. Želja mladih osoba iz Udruženja jeste organizovati sportski događaj pod nazivom "FIBA 3X3 BASKET" u kojem bi učestvovali Košarkaški savez Bosne i Hercegovine, Košarkaški savez Tuzlanskog kantona, OKK Sloboda Tuzla, Menprom, Inproz Group, Rudarski institut Tuzla, Hifa petrol. Na ideju za organizovanje ovako jednog događaja došlo se zbog toga što mladi iz udruženja žele odvojiti svoje vršnjake i djecu od pasivne ili neproduktivne aktivnosti i potaknuti ih na učestvovanje u sportskim dešavanjima uz garantovanje zabave koja što će u konačnici dovesti do benefita u razvoju i održavanju psihofizičkog zdravlja.

Aplikant: Neformalna grupa OŠ „Miladije“

Naziv projekta: Svi sportovi vode u Tuzlu

Odobreno sredstava: 3.256,50 KM

Neformalna grupa OŠ „Miladije“ koju čine osoblje i prijatelji Osnove škole „Miladije", kroz projekat pod nazivom "Svi sportovi vode u Tuzlu" žele da unaprijede rad u ovoj školi kroz edukacije, aktivnosti, neformalno obrazovanje čime će se dovesti do poboljšanja naučnih procesa i društvene integracije unutar škole. Ciljevi projekata su: Edukovati djecu i mlade o važnosti sporta za zdravlje i život; Riješiti problem nedostatka sportskih rekvizita i opreme za učenike u OŠ "Miladije" Tuzla; Stvoriti bolje uvjete za provedbu sportskih aktivnosti u školi, što bi poticalo djecu na sudjelovanje u sportskim aktivnostima; Stvoriti atmosferu i platformu za dijalog između škola i lokalnih sportskih klubova ili udruženja, koji bi mogli pružiti podršku ili surađivati na rješavanju problema koje ovaj projekat nastoji riješiti; Održati niz sportskih aktivnosti kao turnira u futsalu i odbojci. Partneri na projektu su druge osnovne škole područja TK sa djecom koja će učestvovati na turnirima . Pored toga učesnici na projektu bi bili i Udruženje „Proaktiva“



Tuzla, Udruženje „HO Međunarodni Forum Solidarnosti – EMMAUS“ i. Udruženje "Leptir koji će održati edukativni dio aktivnosti.

Aplikant: NG Lokalna grupa za razvoj Dragunja

Naziv projekta: Sačuvaj čist izvor i okolinu

Odobreno sredstava: 3.786,20 KM

LGZR Dragunja je periferna mjesna zajednica Grada Tuzla koja ima sve predispozicije za uređenje životne okoline kako bi se građanima koji žive u ovoj MZ osiguralo mjesto za odmor, druženje i šetnju na svježem planinskom zraku. Projektom pod nazivom "Sačuvaj čist izvor i okolinu" članovi LGZR žele očistiti teren oko izvora kisele vode, urediti izletišta tako što će se poravnati teren za postavljanje nadstrešnice, te mobilijara i klupica. Realizacijom ovog projekta će se djeci i sugrađanima pružiti mogućnost organizovanja svakodnevnih šetnji pored izvora i potoka uz čist zrak koji dolazi od borove šume.

Aplikant: UG Hrabro srce

Naziv projekta: Game Flex: Igraj, razvijaj se, ostvari ciljeve"

Odobreno sredstava: 2.478,00 KM

Projekat „GameFlex“ predstavlja inovativnu inicijativu usmjerenu na promicanje inkluzivnih sportskih aktivnosti za djecu i mlade sa invaliditetom. Kroz saradnju s vodećim stručnjacima za adaptivne sportove i podršku osobama s invaliditetom, ovaj projekat ima za cilj stvoriti potpuno inkluzivno sportsko okruženje u kojem svako dijete, bez obzira na vrstu i težinu svog invaliditeta, može razvijati svoje sportske vještine, tjelesnu izdržljivost te socijalne interakcije. Temelji se na pet ključnih aktivnosti: saradnju sa stručnjacima, inkluzivni sportski trening, sportsko takmičenje, kampanju podizanje svijesti, partnerstva i održivost. Također, projekat će doprinijeti rastu samopouzdanja među djecom i mladim osobama s invaliditetom. Nedostatak prilagođenih sportskih programa može ometati sposobnost djece da se razvijaju fizički, emocionalno i socijalno. Sve to ih može spriječiti da istraže svoj puni potencijal i stvore pozitivan odnos prema vlastitim tijelima. Isto tako pored omogućavanja učestvovanja u sportskom takmičenju radit će se i na dizanju svijesti zajednice o važnosti inkluzivnih praksi ovog tipa i tako uticati i na smanjenje predrasuda o djeci i mladim osobama sa poteškoćama u razvoju.